

www.BibleForChildren.org

San Mateo 8



Zra guxunne zra, na' guca laní cheę wechaga na' lu xęzre Caná da nababa Galilea. Xrna Jesús zue' na', na' zua nu gunné Jesús, ne benne' ca' dxusédene' lu laní na'.



Bebizre xrise uva wal-la, na' xrna Jesús guzre' Le':
–Québedxa bi de xrise uva wal-la xelé'aje'. Xrne'e
guzre' benne' wen zrin ca': –Le gun ca naca da xe'e
le'e.



Jesús guzre' benne' wen zrin ca': –Le gusezrá nisa xesu' xiaj caní. Gulegué'e nisa na, ne bulusuzrate' tu tu xesu' xiaj ca'. Nadxa Jesús guzre' benne' ca': –Le ca'a na, na'a, ne le gua na lau benne' ze' dxu'a ga dxelawe'. Ca'an belune'.



Bénnea' zuẹ' dxu'a ga dxelawe' bxue' nisa na' da
bexaca na xrise uva wal-la, ne quebe nézene' ga
za na. Benne' wẹn zrin ca'
zaj nézene' ga za na lawe'
da gulegué'e nisa na'.



Nadxa b́ennea' zuę' dxu'a ga dxelawe' gunńe' benne'
wechaga na', na' guzre' le': –Xúgute benne'
dxeleb́eaje' nedxu xrise uva
wal-la nácadxa chawe', na'
gate ba gulé'ajle'e benne'
ca' zaj zre'e laní, nadxa
dxeleb́eaje' xrise uva
wal-la quebe zúateca
chawe'. Lue'
bcuézaquezu'
xrise uva wal-la
chawe' na',
ne guléaju'
na na'a.




Da nigá da ben Jesús lu xezre Caná da nababa Galilea
naca na tu xel-la' waca zrente da
bene' nedxu, da ble'e na
xel-la' szren chee', na'
benne' ca' dxusedene'
guleajle'e chee'.



Guxíaj Jesús lizre Pedro, na' blé'ene'
xrna zru'ule' de' lu da'a, xu'e da la.



Xeajté' ne'e, na' bedxúaj da la da xu'e. Nadxa nu'ula na' guxase', ne guzú lawe' dxusení'e da xelagu benne' ca'.




Ca gula guzré zra na', ca guzría gubizra, na' guleché'e xúgute benne' wē' lau Jesús, ne benne' ca' zaj xu'e be' xriwē'. Ca naca benne' xezre gulebigue' dxa xu'u naga zua Jesús.



Jesús bexunē' záneteḡ benne' we' ca zaj naca xízrawe'
da xu'u tu tuē', ne bebéajeḡ zane' be' xriweḡ zaj xu'u
bénneache ca'. Quebe be'e lataj be' xriweḡ ca' xelenné
na lawe' da zaj núnbea na Le'.



Xúgute benne' ca' gulaca lazre' xuluté' Jesús lawe' da dxexún Le' xúgute' nen xel-la waca chee'.



Na' belezrín tapa benne' lu xu'u naga zua Jesús, zaj nu'e tu benne' quebe gaca se'e.



Lawe' da quebe gulezéquene'
xelezrine' lau Jesús, lawe' da zaj
zra' bèneache zante ga na',
na' gulesáluje' chju'u chee
xu'u naga zua Jesús. Na'
bululétaje' da'a da
zrua benne' na'
quebe gaca
se'e.




Lawe' da dxeque be'e Jesús ca dxeleajlí lazre' benne'
ca' Le', na' gunné', dxe'e
bénnea' quebe gaca
se'e: –Zrí'ina'dau', ba
nanite lau dul-la da
nabagu'. –Lue'
dxapa', bexasa,
becá'a da'a chiu',
ne bexíaj lizru'.



Nadxa guxú'u Jesús lu da dxedá lawe' nísadau', na' benne' ca' dxusédeneḡ beluneḡ Le' tu zren. Na' guzú lau dxaca tu be' bdunu' lawe' nísadau', na' xeajxruza cheḡ nísadau' guxú'u na lu da dxedá lawe' nísadau' na', dxácatḡ dxase Jesús.



Jesús guzre' le': –¿Bizr chee na' dxezrébele'e? Nácalle benne' látega dxeleajlí lázre' Dios. Nadxa guxasa Jesús. Gudil-le' be' bdunu', ne nísadau', na' la belebé zrite na. Benne' ca' belexebánene', gulenné': –¿Núzraqueze benne' nigá? Dxuluzúa be', ne nísadau' dizra' chee'.



Dios dxezrí'i lázrele'ene' bénneache,
na' chee le na' bdee' Zrí'ine' tu licha'
chee quebe xelebía xi' nu benne'
dxeléajle'e chee'. Zrué'e bénnea'
xel-la' nabán da
zeajlí canna.



Romanos 3:23

lawe' da zaj nun xúgute bēneache dul-la, ne quebe zaj naca chee' xelexú'e lu xabáa chee Dios.

Romanos 6:23

Benne' dxune' dul-la dzezi'e lazruj chee' da naca na xel-la gute, san da dxúnnaze Dios dxi'u naca na xel-la nabán da zeajlí canna tu zren nen Xránadxu Jesucristo.

Hebreos 9:27

Ca dxun na ba xen xelate xúgute bēneache tu lásaze, na' te na' Dios guchi'e da zaj nun tu tue',



Efesios 2:8,9

Lu xel-la xrlátaje cheē Dios bselé' le'e lawe' da guxeajlí lázrele Cristo. Quebe naca na nē cheē bi da benle le'e, san naca na tu da ben Dios cá'aze nē cheēle. Quebe nalá nu benne' nē cheē bi da dxúnqueze', cheē quebe nu benne' gucá'ana szren cuine'.

Romanos 10:9,10

Che nen dxu'u dxennáu' naca Cristo Xranu', ne che lu lazrda'u dxeajlí lazru' Dios bsebane' Le' ládujla benne' gate, nadxa lau'. Lu lázrdaudxu dxeajlí lázredxu cheē xegá'anadxu xrlátaje lau Dios, ne nen dxú'adxu dxexechébedxu nácadxu cheē Cristo cheē ladxu.



San Juan 3:16,17

Dios dxezrí'i lázrele'ene' bënneache, na' chee le na' bdee'
Zrí'ine' tu licha' chee quebe xelebía xi' nu benne'
dxeléajle'e chee'. Zrué'e bënnea' xel-la' nabán da zeajlí
canna. Dios gusél-le' Zrí'ine' lu xezr la xu nigá, quegá chee
guzría xi'e bënneache, san chee guselé' bënneache.

1 San Juan 5:11-13

Da nigá naca na da nadxixruj li Dios, dxenné' ba benne'
dxi'u xel-la' nabán zeajlí canna, na' xel-la' nabán nigá za na
lu na' Zrí'ine', Jesucristo. Bënnea' zua Zri'ine Dios na' lu
xichaj lázrdawe' zúale xel-la nabán nigá le', san bënnea'
quebe zua Zrí'ine' lu xichaj lázrdawe' quebe zúale xel-la'
nabán nigá le'. Da nigá dxuzúaja' chee dxéajlele
chee Zri'ine Dios chee nézele zúale xel-la'
nabán zeajlí canna le'e.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Zapotec Tabaa NT (zat) © 1981, Wycliffe Bible
Translators, Inc. All rights reserved.

<https://www.bible.com/bible/772/MAT.1>

©2026 Bible for Children, Inc.

www.M1914.org

www.bibleforchildren.org

